

in Media, Mons *Coronus* in Hyrcania. *Taurus* item qui Persiam mediam secat, varijs pro populorum adjacentium Situ nominibus insignis. *Sylvæ* etiam habet multas, inprimis Parthia quæ nemorosa valde est, ac Septentrionis Hyrcaniæ pars quæ Sylvas habet immensas, Quercu, Pinu, & Abiete refertas, atque immanibus Feris plenas, Tigribus, Pantheris & Pardis. Aria etiam Silvis ac Montibus oblecta est, ut & Persis tota. Ad Opera publica quod attinet, multa in hoc Regno superba & magnifica fuere, & potissimum in Babylonia. Imprimis vero occurrit Pons ille magnificentissimus in Vrbe Babylone a Semiramide Regina super Euphratem constructus, de quo vide Munsterum lib. v. Idem Hortum pensilem a Semiramide constructum describit, eodem libro. In Susiana, in urbe Susa Arx fuit, *Medorum Regis Domus*, quam, ut est apud Casiodorum, *Menton arte prodiga illigatis auro lapidibus fabricavit*: hanc inter fabricarum septem terris attributa miracula, idem numerat. Sed de his satis, ad Mores venio. Reges creabant ex una familia. Qui Regi non parebat, capite & brachijs amputatis insepultus abjiciebatur. Vxores ducebant singuli multas, alebantque sobolis propagandæ gratia, pellicesque plurimas. De rebus maximis non nisi inter pocula consultabant, eademum consultationem firmiorem rati quam quæ a sobrijs sit inita. Noti inter se & æquales osculo se in occursum excipiebant. Qui humilioris erant fortunæ, venientem adorabant. Solo sepeliabant corpora, cera oblinentes. Ridere coram Rege aut spueri, nefas ducebant & flagitium. De mortuis sepeliendis alij contrarium scribunt, nempe Persas corpora defunctorum extra civitates ad certum campestem locum extulisse, ibique nuda exposuisse a Canibus & Avibus devoranda. Noluisse insuper ut ossa mortuorum sepelirentur aut includerentur. Cumque corpus aliquod non illico absumeretur ab Avibus aut Feris, judicabant malum esse signum, superstitiose credentes hominem illum malæ & impuræ fuisse mentis, atque ob id dignum inferno, & proximi ejus plangebant ipsum ceu hominem qui post hanc vitam nullam haberet spem felicitatis. Sin citius devoreretur a bestiis, beatum eum judicabant. Hodie Mores Persarum multo sunt molliores, quam vel Turcarum, vel Tartarorum, vel Saracenorum. Natura liberales sunt & civilitatis amantes: & Literas & Artes colunt, inprimis vero Astrologiam, Medicinam, ac Poesin. Apud hos Fratres, ac Parentes humanissime tractantur: & Nobilitas Sanguinis in pretio est: in quo a Turcis differunt, qui nullum Sanguinis aut Stemmatum discrimen norunt. Præterea advenas benigne, accipiunt ac tractant: sed tamen zelotypiæ morbo vehementer laborant, Vnde uxores in advenarum conspectum venire non sinunt, licet alioquin illas venerentur, contra Turcarum morem, qui uxores Mancipiorum loco habent. Mulieres autem Persicæ formosæ admodum sunt. Artes Mechanicæ & inprimis Sericorum pannorum textura apud eos nunc viget, qui per universam Syriam ac alias Orientis regiones distrahuntur. Fructibus Terebinthi olim glandibus, pyris agrestibus vescebantur: quotidianus cibus post cursum, ceterasque corporis agitationes panis durissimus, aqua potus Fervent apud eos Mercimonia Unionum, Margaritarum, Aromatum, & inprimis Serici, cujus hic incredibilis cōpia.

*Opera publica.**Mores.**Opificia.
Vitus.**Mercimonia.*

K k k k

TARTARIA